

Broj: 05-02-80-27/2022-9
Sarajevo, 08.07.2022. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA – NABAVKA TEČNIH
GORIVA ZA SLUŽBENA MOTORNA VOZILA ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka tečnih goriva za službena motorna vozila za potrebe Generalnog sekretarijata Vlade Federacije Bosne i Hercegovine, evidencijski broj nabavke: 05-02-80-27/2022-1, broj Obavještenja o nabavci sa portala javnih nabavki: 854-7-1-52-3-8/22 od 07.06.2022. godine, kao najbolje ocijenjena prihvatljiva ponuda je ponuda ponuđača HIFA d.o.o. Tešanj, sa ukupnom cijenom ponude bez PDV-a, u iznosu **18.375,50 KM**.

II.

Ponuđač iz tačke I. ove odluke ocijenjen je kao najpovoljniji, jer ispunjava sve uslove postavljene Tenderskom dokumentacijom.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 05-02-80-27/2022 od 06.06.2022. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 18.000,00 KM bez PDV-a. Obavijest o nabavci poslana je na objavu 07.06.2022. godine, te je istog dana objavljena na portalu Javnih nabavki pod brojem: 854-7-1-52-3-8/22.

Tendersku dokumentaciju preuzelo je 7 (sedam) privrednih subjekata, a 3 (tri) ponuđača dostavila su ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: HIFA d.o.o. Tešanj, ENERGOPETROL d.d. Sarajevo i PETROL BH OIL COMPANY d.o.o. Sarajevo.

Komisija za javne nabavke, imenovana Rješenjem, broj: 05-30-81-R-10/2022 od 06.06.2022. godine, izvršila je pregled i ocjenu ponuda, te konstatovala da je, od ukupno 3 (tri) dostavljene ponude, prihvatljiva 1 (jedna) i to ponuda ponuđača HIFA d.o.o. Tešanj, dok su 2 (dvije) neprihvatljive i to ponude ponuđača: ENERGOPETROL d.d. Sarajevo i PETROL BH OIL COMPANY d.o.o. Sarajevo.

- Ponuda ponuđača ENERGOPETROL d.d. Sarajevo odbačena je kao neprihvatljiva iz sljedećeg razloga: U Aneksu 3 Obrazac za cijenu ponude - robe Tenderske dokumentacije, u dijelu Napomene pod rednim brojem 1. propisano je: "*Pod pojmom cijena podrazumijeva se važeća cijena goriva, na dan predaje ponude, odobrena za ponuđača od strane Federalnog ministarstva trgovine, što ponuđač dokazuje ovjerenim Obrascem o promjeni cijena (OPC) za benzinske pumpe na području Kantona Sarajevo.*" Ponuđač ENERGOPETROL d.d. Sarajevo u ponudi nije dostavio traženi obrazac.
- Ponuda ponuđača PETROL BH OIL COMPANY d.o.o. Sarajevo odbačena je kao neprihvatljiva iz sljedećeg razloga: U Tenderskoj dokumentaciji, Poglavlje 3. USLOVI ZA UČEŠĆE I POTREBNI DOKAZI, tačka 3.3., između ostalog, propisano je: "*Dokazi koji se zahtijevaju: **Potvrda poslovne banke o solventnosti ponuđača**, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (07.06.2022. godine), transakcijski račun ponuđača nije bio blokiran...*". Ponuđač PETROL BH OIL COMPANY d.o.o. Sarajevo dostavio je Potvrdu, broj: 112601-807/22 od 23.05.2022. godine izdatu od NLB Banke, kojom se, između ostalog, potvrđuje da su navedeni računi PETROL BH OIL COMPANY d.o.o. Sarajevo solventni u zadnjih 12 (dvanaest) mjeseci. Dostavljena Potvrda nije u skladu sa traženim dokazom iz Tenderske dokumentacije odnosno Potvrda je izdata 23.05.2022. godine i ista ne uključuje datum objavljivanja Obavještenja o nabavci (07.06.2022. godine).

U skladu sa tačkom V. Odluke o pokretanju postupka javne nabavke, broj: 05-02-80-27/2022 od 06.06.2022. godine, e-Aukcija se nije mogla zakazati, jer je samo jedna ponuda prihvatljiva.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 05-02-80-27/2022-7 od 06.07.2022. godine, u kojem je konstatovala da je ponuda ponuđača HIFA d.o.o. Tešanj, sa registriranim sjedištem u Tešnju, ID broj: 4218015000007 prihvatljiva u smislu kvalifikacionih uvjeta postavljenih u Tenderskoj dokumentaciji, ali da ista, prekoračuje procijenjenu vrijednost javne nabavke, koja je iznosila 18.000,00 KM bez PDV-a. Odnosno cijena ponude je veća za 375,50 KM u odnosu na procijenjenu vrijednost javne nabave i iznosi 18.375,50 KM.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije.

Izabrani ponuđač dostavio je prihvatljivu ponudu u skladu sa uvjetima postavljenim u Tenderskoj dokumentaciji.

Sekretar Vlade Federacije Bosne i Hercegovine dala je Saglasnost, broj: 05-02-80-27/2022-8 od 07.07.2022. godine da se predmetni postupak nastavi, jer se ne radi o znatno većoj cijeni prihvatljive ponude u odnosu na procijenjenu vrijednost javne nabavke i da je Ugovorni organ u mogućnosti obezbijediti dodatna sredstva u Budžetu za finansiranje ovog ugovora.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove

**SEKRETAR VLADE**

mr. sc. Edita Kalajdžić